

SUB: BODO (CODE: 092)
CLASS-X
(April 2022-March 2023)

Part-A: Objective Type MCQ Paper			Marks: 40
सॉथि नं.	1	गाहायाव होनाय खोन्दोखौ मोजाडै फराय आरो सॉनायफोरनि फिन सायख' :	5x1=5
		<p>बर' हारिया गोदो गोदायनिफ्रायनो शिवखौ बाथौ महरै अरायबो सिबिबोदोंमोन आरो दासिमबो सिबिगासिनो दं। हिन्दु धोरोमावबो शिवखौ सिबिनाय खान्थि दं गोहोनि मोदाइ महरै। नाथाय सिगाडाव आर्य हिन्दुफ्रा सिबियामोन। मंगलियान एबा किरातफोरजों हारिमुनि सोलाय सोल' जानायाव बिसोर शिवखौ गोहोनि बिगोमा महरै सिबिनो हमो। मंगलियान बर'फोरनि देरसिन मोदाइ शिवखौ आर्य हारिफोरा उनाव शक्ति महरै नाजावनानै लानाया बर' हारिनि आर्य हारिमुनि सायाव गोहोम गोग्लैनायनि जाहोन। दानाय-लुनाय, मोसानाय, मेथाइ खननाय, मोदाइ-दावदाइ सिबिनायाव जेरै बर'नि हारिमुवा आर्य हारिमुवाव गोहोम गोग्लैदों बिदिनो जानाय लॉनायावबो बर'नि आसारखान्थिया गोग्लैदों। मायथाइनिफ्राय मायथाइ, मुगानिफ्राय मुगा सोरजिनि बे दुलाराय भारत हाददाव जायखौ बुंनाय जादों भारतबर्ष अन्तदेश। शिष्टाचाररहित कामरुपा म्लेश देश होननानै। बे म्लेश देशनि रैरुब हायाव आलो आलो राइजो जाबोनाय किरातफोरजों बेसेबा गोबाव बर'फोरनि अननायाव थादेरबोनाय आर्यहारिनि जानाय-लॉनायावबो गोबाडैनो बर'नि खान्थिया गोग्लैदों।</p>	
	क.	<p>हिन्दु धोरोमाव शिवखौ मा महरै सिबियो?</p> <p>(i) बाथौ महरै</p> <p>(ii) गोहोनि मोदाइ महरै</p> <p>(iii) मोदाइ महरै</p> <p>(iv) हारिमुनि मोदाइ महरै</p>	1
	ख.	मंगलियानफोरखौ मा मुंजों मिथिबावो?	1

		(i) हिन्दु (ii) आर्ज (iii) किरात (iv) बर'	
	ग.	'म्लेसदेश' होनना माया मिथि जायोमोन? (i) भारतबर्ष (ii) कामरुप (iii) शिष्टाचाररहित (iv) प्रागज्योतिषपुर	1
	घ.	गाहायनि बबे मोनसेया आर्य हरिमुवाव बर' हरिमुनि गोहोम नडा? (i) आलासि सिबिनाय (ii) दानाय-लुनाय (iii) जानाय-लौनाय (iv) दोहोरोम सिबिनाय	1
	ड.	गाहायनि बबे मोनसेया बर' हरिनि आर्य हरिमुनि सायाव गोहोम गोलैनायनि जाहोन? (i) शिवखौ आर्यफोरा शक्ति महरै नाजावनाया (ii) शिवखौ आर्यफोरा बाथौ महरै सिबिनाया (iii) शिवखौ आर्यफोरा मुगैनाया (iv) शिवखौ गोहो-गोलोन्दा साननानै लानाया	1
सौथि नं.	2	गाहायाव होनाय खोन्दोखौ मोजाडै फराय आरो सौनायफोरनि फिन सायख' :	5x1=5
		उपेन्द्र चन्द्रगुह'नि बादियैब्ला बर'फोरा कच हरिनि मानसिफोरखौ खुंसा बुंनायमोन। बिसोर नाथाय जायगाखौ खुसपुर बुंनायमोन। उनाव खुसपुरनिफ्राय खासपुर जाबोदों होननानै बिथाडा बुंदों। बिथानि बादिब्ला गोदो खासपुराव कचफोर दंमोन। जायखि जाया मानो एसेबां गोखों आरो गोमोथाव कारुकार्य गोनं राजथावनि खासपुरखौबो सुथुरफोरनि	

		<p>गले गले उदखाराव थावरिनो हायैलाय राजा गबिन्द चन्द्रवा गारनानै सिरि सिरि हरिटिकर मुंनि दाबसे जायगायाव खारखोमालाडो। बेवहायनो बियो गायसनहैयो गोदान राजथावनि। हरिटिकरा दरसे फिसा गामिसो। बे जायगानिफ्राय बारा गोजान नडा बराक दैया। बेनो बोहैलानानै उनाव दौनै जाहैदौ। दौसेया कुसियारा, सेयासुरमा। सोरगिदिं गाहाय गोजौ हाजोथिला। सोमखोर सोमखोर हागाबेन्दौ-बेनला। हाजो सेर सेर गौ गौ, अरं गेजेर गेजेर खोल खोल जिर जिर दै बोहैनाय, रिनदाव रिनसि दाउमा-दाउसा मेथाइ खननाय। सान हर मोसा लखा सोगोमनाय। बेवहाय नुनो मोनो खोलो खोलो बार बारनायजौं देमगलाय देमसि बंफां लाइफां मोसानाय।</p>	
	क.	<p>सोरनि बादिब्ला बर'फोरा कच हारिनि मानसिफोरखौ खुंसा बुंनायमोन?</p> <p>(i) राजा गबिन्द चन्द्र</p> <p>(ii) उपेन्द्र चन्द्र गुह'</p> <p>(iii) उपेन्द्र चन्द्र दास</p> <p>(iv) सुथुरफोरनि</p>	1
	ख.	<p>सोरखौ खुंसा होनना बुडोमोन?</p> <p>(i) कचफोरखौ</p> <p>(ii) बर'फोरखौ</p> <p>(iii) आर्यफोरखौ</p> <p>(iv) गबिन्द चन्द्रखौ</p>	1
	ग.	<p>खासपुरा मामोन?</p> <p>(i) गामि</p> <p>(ii) नोगोर</p> <p>(iii) राजथावनि</p> <p>(iv) रायजो</p>	1
	घ.	<p>सुथुरनि उदखारखौ थावरिनो हायैनि गबिन्द चन्द्रवा बबेयाव खारखोमा लांदौमोन?</p>	1

		(i) खासपुर (ii) बराक (iii) दिमापुर (iv) हरिटिकर	
	ड.	फरा खोन्दोआव 'बराक' सोदोबा माखौ फोरमायदों? (i) गंसे गामि (ii) राजानि राजथावनि (iii) गंसे दैमा (iv) नोगोर	1
सौथि नं.	3	गाहायाव होनाय खोन्दोखौ मोजाडै फराय आरो सौनायफोरनि फिन सायख' :	5x1=5
		नारखो बुदांनि फोलेरानो फ्राजुथैसापुरी राइजोनि खर'सा हारि एबा खर'सा-गिबि सिगां हारिमोन। खर'सा हारिखौ उनाव बुरञ्जी पण्डितफ्रा माबा किराट होननानै बुंदों। खर'सा बे सोदोबनि सोदोबथिखौ आखान-दखान नागिरब्लाबो दिहुननो हायैलाय आरो बेयो मा रावनि सोदोब हमनो हायैलाय बे सोदोबखौ बिसोर किराट, किराटिच, किराटा बायदिसिना बुंदों। बे जुगावनो मोगथांपुरीयाव बयनिखुइ माइ जासिनगा दरसे जायगा दंमोन। बे जायगाखौ माइ मोनसिनगा होननानै बुंनायमोन। बे राजानि आमोलावनो मोगथांपुरीयाव राइजो-राजा, जाम्बा-जाम्बि बयबो रंजागा थिलिफोरबो दंसोगारोमोन। रंजागा थिलिखौ बिसोरो रंजापुरी होननानै बुंनायमोन। बे रंजापुरीफोरखौ दा माबा रंपुर होननानै बुडो। दानि बांला हादतनि रंपुर आरो आसामनि शिवसागर जिल्लानि रंपुर मोननै रंजागा थावनिया बयनिखुइ देरसिनथारमोन।	
	क.	खर'सा हारि सोदोबजों सोरखौ फोरमायदों? (i) नारखो बुदांखौ (ii) गिबि हारिखौ (iii) फ्राजुथैसापुरीखौ	1

		(iv) किराटफोरखौ	
	ख.	‘आख्रान-दख्रान’ सोदोबनि ओंथिया- (i) सा-साज्रां (ii) खुरखाव-खुरसि (iii) हाथा-हारमा (iv) आलाय-सिलाय	1
	ग.	‘रंपुरा’ बबे बबे जायगायाव थानायनि बाथ्रा फरायाव रायखांदों? (i) फ्राजुथैसापुरी आरो रंजापुरीयाव (ii) फ्राजुथैसापुरी आरो शिवसागराव (iii) बांला हादत आरो शिवसागराव (iv) बांला हादत आरो रंजापुरीयाव	1
	घ.	‘किराट’ होननानै उनावहाय सोरखौ मिथिनाय जायो? (i) फ्राजुथैसापुरीखौ (ii) खर’सा हारिखौ (iii) रंपुरखौ (iv) बर’फोरखौ	1
	ङ.	खर’सा सोदोबनिफ्राय गाहायनि मा सोदोबा जोनोम मोनाखै? (i) फ्राजुथैसापुरी (ii) किराटा (iii) किराटिच (iv) रंपुर	1
सौथि नं.	4	गाहायाव होनाय सौलुफोरनि थार फिननायखौ सायख’:	15x1=15
	क.	गाहायनि बबे मोनसेया मुंमा सोदोब सायख’? (i) गुफुर (ii) दावबाय (iii) मानसि (iv) सोमखोर	1
	ख.	गाहायाव होनायफोरनि बबे मोनसेया थावनि दिन्थिगा मुंराइ सायख’?	1

		(i) नौनाव (ii) बेयाव (iii) बिसोर (iv) गामि	
	ग.	गाहायाव होनाय सोदोबफोरनि बबे मोनसेया मोनसे मुंमा आरो मोनसे थाइजानि जथाइजों दाजानाय मुंमा नडा? (i) लाइजौ (ii) हासिब (iii) सानदुं (iv) अखाफोर	1
	घ.	गाहायनि बबे मोनसेया जथाय थाइजा सोदोब सायख ? (i) जाफै (ii) फदम (iii) बिजिर (iv) गेसेव	1
	ङ.	मधुराम बर'आ मुंमाखौ मोनबेसे बाहागोआव रानदों? (i) मोनब्रै (ii) मोनबा (iii) मोनद' (iv) मोनस्नि	1
	च.	जाफु बिदिन्थाखौ मोनबेसे बाहागोआव बोखावबावनाय जादों? (i) मोननै (ii) मोनब्रै (iii) मोनद' (iv) मोनदाइन	1
	छ.	गाहायाव होनायफोरनि बबे मोनसेया ज'रा सोदोब सायख'? (i) गामि-गामि (ii) थोरसि-लथा (iii) हायेन-अख्रां	1

		(iv) रिउ-रिउ	
	ज.	‘हांमा-हांसा’ बाथ्रा खोन्दोबनि ओंथिया- (i) मोननो लुबैनायनि हाबिलास (ii) गोदाव सोराव (iii) मा खालायगोन मा मागोन (iv) उरां-फारां	1
	झ.	‘आजां-गाजां’ बाथ्रा खोन्दोबनि ओंथिया- (i) मा खालामगोन मा मागोन (ii) ओजोंबो जाया हजोंबो जाया (iii) हालाइ-हाफाइ (iv) बेसेबा गोबां एबा गिदिद गोजौ	1
	ञ.	‘सांगां-मागां’ बाथ्रा खोन्दोबनि ओंथिया- (i) मिथिया हसिया (ii) गोसो मोदोमै (iii) लाजिहां गिहां (iv) मेगनाव सांग्रेमा जौनाय	1
	ट.	गाहायाव होनाय सोदोबफोरनि बबे मोनसेया फोलेर दिन्थिगा मुंमा नडा? (i) मानसि (ii) मोसौ (iii) बुरलुंबुथुर (iv) दैमा	1
	ठ.	गाव दिन्थिगा मुंराइखौ फोरमायनो बर’ रावाव मोनबेसे सोदोब दं? (i) मोनसे (ii) मोननै (iii) मोनथाम (iv) मोनब्रै	1
	ड.	कमल कुमार ब्रह्मआ बिदिन्थाखौ मोनबेसे बाहागोआव	1

		<p>रानलांदों?</p> <p>(i) मोननै</p> <p>(ii) मोनथाम</p> <p>(iii) मोनब्रै</p> <p>(iv) मोनद'</p>	
	ढ.	<p>गाहायनि बबे मोनसे दाजाबदाया अराय जाफु बिदिन्था</p> <p>फोरमायगा दाजाबदा सायख'?</p> <p>(i) -ओ</p> <p>(ii) -गौमोन</p> <p>(iii) -मोन</p> <p>(iv) -बाय</p>	1
	ण.	<p>गाहायाव होनायफोरनि बबे दाजाबदाया इयुन बिदिन्था</p> <p>फोरमायगा दाजाबदा सायख'?</p> <p>(i) -दों</p> <p>(ii) -बाय</p> <p>(iii) -गौमोन</p> <p>(iv) -गोन</p>	1
सौंथि नं	5	गाहायाव होनाय सौंलुफोरनि थार फिनखौ सायख':	5x1=5
	क.	<p>बिबारा मानि नेरसोन?</p> <p>(i) बिबारनि</p> <p>(ii) गियाननि</p> <p>(iii) बिफांनि</p> <p>(iv) समायनानि</p>	1
	ख.	<p>बिबारा माबादि बारदों?</p> <p>(i) गावदां गावदां</p> <p>(ii) गोमो गोजा</p> <p>(iii) फुरहाब जाहाब</p> <p>(iv) जाहाब जाहाब</p>	1
	ग.	<p>“आंनि गामि” खन्थाइनि तिरगिरिया सोर?</p> <p>(i) कमल कुमार ब्रह्म</p> <p>(ii) रूपनाथ ब्रह्म</p>	1

		(iii) मन'रन्जन लाहारी (iv) इसान म'छाहारी	
	घ.	खन्थाइगिरिया बबे गाथोनाव जिरायदोमोन? (i) भबानिपुरिया (ii) नांगोल भाडा (iii) नांगोल बाडा (iv) धावलिगुरी	1
	ड.	“जिउनि अलंबार” खन्थाइयाव खन्थाइगिरिया अराय सोरखौ गाबजियो? (i) सिब्राइखौ (ii) बिमा-बिफाखौ (iii) गावनि मोजां मोननाय अनजालिखौ (iv) इसोरखौ	1
सोंथि नं	6	गाहायाव होनाय सोंलुफोरनि थार फिनखौ सायख':	5x1=5
	क.	“बर” हारिनि खुगा थुनलाइ” रायथाइनि लिरगिरिया सोर? (i) इन्द्रमालती नार्जारी (ii) महिनी महन ब्रह्म (iii) हेरेम्ब नार्जारी (iv) मधुराम बर'	1
	ख.	इन्द्रमालतीआ सोरनि लाखोमानाय मुं? (i) कमल कुमार ब्रह्म (ii) मन'रन्जन लाहारी (iii) ड° भुपेन नार्जारी (iv) चरण नार्जारीनि	1
	ग.	खुगा थुनलाइखौ मोनबेसे बाहागोआव राननो हायो? (i) मोननै (ii) मोनथाम (iii) मोनब्रै (iv) मोनबा	1
	घ.	गुरुदेब कालिचरण ब्रह्मआ माब्ला जोनोम जादोमोन? (i) बांला 1247 मायथाइ (ii) बांला 1267 मायथाइ (iii) बांला 1287 मायथाइ (iv) बांला 1288 मायथाइ	1

	ड.	‘Victoria Cross’ बान्थाखौ सोर मोनदोंमोन? (i) गुरुदेब कालिचरण ब्रह्म (ii) करेनन्द्र मण्डल (iii) जादब खाखलारी (iv) सर्दार बाहादुर बेलबुंराम कसारि	1
<p style="text-align: center;">Part-B Descriptive type pen paper test Marks: 40</p>			
सौथि नं.	7	गाहायाव होनाय सौथिफोरनि फिन लिर (20-25 सोदोबनि गेजेराव):	6x2=12
	क.	खुगा थुनलाइखौ गाहाइयै मोनबेसे बाहागोआव राननो हायो आरो मा मा ?	2
	ख.	गुरुदेब कालिचरण ब्रह्मआ माब्ला बबेयाव जोनोम जादोंमोन ?	2
	ग.	‘जिउनि अलंबार’ खन्थाइयाव खन्थाइगिरिया माखौ सिमान लादों?	2
	घ.	खन्थाइगिरिनि गामियाव उन्दै समाव माबोरै रंजायोमोन?	2
	ड.	तिवाफोरनि मोननैसो फोरबोनि मुं लिर।	2
	च	देउरिफोरा फालिबोनाय मोनब्रै फोरबोनि मुं लिर।	2
सौथि नं.	8	गाहायाव होनाय सौथिफोरनि फिन लिर-	4x4=16
	क.	नोंसोर खोनानाय एबा फरायनो मोननाय बर’नि दोंसे सल’ गावनि रावजों लिरफिन। (मोन 100 सोदोबनि गेजेराव)	4
	ख.	नोंसोरनि फरायसालियाव जानो गोनां थुनलाइयारि बादायलायनायनि सोमोन्दै फरायसा लोगोफोरनो फोरमायनानै गांसे मिथिसार बिलाइ लिर।	4
	ग.	नोंसोरनि लोगोनि गामियाव दावबायहैनायनि सोमोन्दै फोरमायनानै लिर। (मोन 100 सोदोबनि गेजेराव)	4
	घ.	मुंमा माखौ बुडो ? मुंमानि बाहागो राननानै बेखेवना लिर।	4
सौथि नं.	9	फरायसालियाव फरायनाय समनि बबेबा सानसे गोसोखांथाव सानखौ गोसोखांनानै सुंद’ सानरेब (दाइरि) लिर। (मोन 130 सोदोबनि गेजेराव)	6

सॉथि नं.	10	नोंसोर दासिमाव दावबायनानै मोजां मोननाय जायखि जाया दाबसे जायगानि सोमोन्दै रोखायै फोरमायनानै लिर। (मोन 130 सोदोबनि गेजेराव)	6
----------	----	---	---